



Kalaallit Nunaanni akiligassa qarfiup akileeqqusissummik immersuinissaanut ilitsersuut

Immersugassaq

Akileeqqusissummik tunniussiniaruit immersugassaq "Akileeqqusissut" atussavat, taamma uani www.domstol.gl nassarisinnaavat Kalaallit Nunaanni Eqqartuussiviit iluani/Immersugassat ilitsersuutillu. Immersugassap isikkua allanerilu allanngortissanngilatit. Paasisutissat pisariaqartinneqartut tamarmik immersugassamiittussaammata ilanngussanik aamma nassisseqqusaanngilatit.

Saqqata teqeqquani talerperlermi allaqqusaanngilatit imaluunniit ilisarnaammik ikkuseqqusaanngilatit, imaqqanngitsortaa eqqartuussinermi akileraarsimanermut naqissusiivigineqassammat.

Immikkoortut tamarmik immersorneqassapput, taamaaliortoqarsimanngippat suliaq eqqartuussivimmit itigartitsissutigineqarsinnaavoq. Tamanna pillugu suliaq itigartitsissutigineqarpat eqqartuussinermi akileraarut 500 kroniusoq ilinnut utertinneqassanngilaq.

Akiligassalik akerliliippat

Akigassaqartup piumasaqaammut akerliliiinginnissaa akiligassa qarfiup naatsorsuutigippagu akileeqqusissut kisimi atorineqarsinnaavoq. Akerliliisoqarpat akerliuanilluunniit piumasaqartoqarpat piumasaqaat pillugu saqitsaanermik suliamik aallartitsisoqarsinnaavoq. Suliassanngortitsinermi immersugassaq uani www.domstol.gl-imi Kalaallit Nunaanni Eqqartuussiviit iluani/Immersugassat ilitsersuutillu.

Piumasaqaat

Aningaasat 100.000 kr. erniat aninggaasartuutillu minillugit piumasaqarineqartillugit akileeqqusissut kisimi atorineqarsinnaavoq. 100.000 kronit sinnerlugit piumasaqaruit saqitsaanermik suliamik aallartitsisinnaavutit.

Ilanngussaqaassanngilaq

Piumasaqaammut paasisutissat pisariaqartinneqartutt tamarmik immersugassamiissapput.

Eqqartuussivik qanoq iliussava?

Eqqartuussiviup akileeqqusissut misissussavaa akuerineqarsinnaanersorlu aalajangerlugu.

Akileeqqusissut akuerineqarpat akiligassalimmut nalunaarutiginiarneqassaaq. Akileeqqusissutip nalunaarutigineqarneranit akiligassallip ullormi nalunaarutiginninnermiit sapaatit akunnerisa sisamat iluanni allakkatigut akerlilinggippagu, eqqartuussiviup akileeqqusissutip eqqartuussutitulli

atuunneranik **oqaaseqaammik ilaneqassaaq**. Akileeqqusissut oqaaseqaammik ilaneqarpat akiligassa qarfik akiligassallit tamarmik nalunaarfigineqassapput.

Suliap qanoq ingerlaqqinnissaanut akiligassa qarfiup immersugassami kissaatitut allassimasaa aalajangiisuujumaarpoq

Akileeqqusissut eqqartuussivimmit akuerineqanngippat, eqqartuussiviup akiligassa qarfimmitt piffissamik killiliuussisinnavaoq akileeqqusissummik naqqiinnissamut imaluunniit suliap itigartitsissutigineqarsinnavaoq. Kukkunerit suunersut susoqarnissaanut aalajangiisuujumaarput.

Immersugassami immikkoortut ataasiakkaat pillugit

Immikkoortoq 1: Akiligassa qarfik

Kina anigaasanik pissaqarnersoq immikkoortoq 1-imi allassavat.

Akiligassa qarfiup aqqa, najugaalu tamaakkerlugit allassavatit. Eqqaamallugu akiligassa qarfik suliffe qarfiuppat, A/S-iunersoq, ApS-iunersoq I/S-iunersoq allaanersorluunniit allassagakku.

Akiligassa qarfiup telefon-normua mailialu aamma allassavatit, eqqartuussiviup akiligassa qarfimmik attaviginninnissaa pisariaqalersinnaammat. Akiligassa qarfiup suliapi normua, CVR-normua aamma kontonormua aamma allassavatit.

Suliapi akiligassa qarfiit arlaqarpata immikkoortumi tamaasa allassavatit.

Akiligassa qarfik allamit, soorlu inatsisilerituumik sullinneqarluni sinniisoqarpat akiligassa qarfiup sinniisuatalu aqqi najugaalu allassavatit. Sinniisup telefon-normua CVR-normua, mailia suliallu normua eqqartuussiviup paaserusuppai. Sumiiffimmi eqqartuussivimmi telefonikkut ataatsimiinnermut peqataarusukkuit, akiligassa qarfiup ataatsimiinnermi sinniisuutitassaata normua toqqaannartoq allassavat.

Immikkoortoq 2: Akiligassalik

Kina akiligassa qarnersoq immikkoortoq 2-mi allasavat.

Akigassallip aqqa, najugaa ajornanngippallu telefon-normua, mailia aamma CVR-normua allassavatit. Eqqaamallugu akiligassalik suliffe qarfiuppat, A/S-iunersoq, ApS-iunersoq I/S-iunersoq allaanersorluunniit aamma allassagakku.

Akiligassallip telefon-normua allakkukku eqqartussivik akileeqqusissummik telefonikkut nalunaaruteqarnissamut periarfissaqassaaq. Taamaaliorneq suliap suliarineqarnerani piffissamik sivikillisaataangaatsiarsinnaavoq.

Arlallit piumasaqaammitt akisussaappata immersugassami tamaasa allassavatit. Akiligassallilu sinnerlugu piumasaqaatinnut akiliigallartoqassarnissaanik eqqartuussiviup aallartitsinnissaa kissaatigigukku, eqqartuussiviup akiligassallinnut tamanut suliapi ingerlatsinnissanaa taamaaliorneqarnissamut piumasaqaataavoq.

Immikkoortoq 3: Piumasaqaatip annertussusaa

Akiligassa qarfiup piumasaqaataa immikkoortoq 3-mi kisissavat. Piumasarineqartoq erniat aningaasartuutillu minillugit annerpaamik 100.000 kroniusinnaavoq.

Piumasaqaatip kisinnerani allaffissami siullermi piumasaqaat anneq allassavat. Piumasaqaat anneq tassaavoq akiitup maanna annertussusaa erniat aningaasartuutillu ilanngunnagit.

Akiligassaqaarfik ernianik piumasaqarpat erniarititaq aamma qaqugumiit erniat ilanngussorneqarnissaat allassavatit.

Akiligassaqaarfik suliap ingerlanneqarnerani ernianik piumasaqarsinnaajuaannarpoq (Nationalbankip atukkiinermi pisortatigoortumik erniarititaa + 7 pct.) ulloq taanna akiligassiissutip eqqartuussivimmut tunniunneqarneranit atuutilersumik. Akileeqqusissutip tunniunneqarnera sioqqullugu ernialersuinissaq piumasarineqarpat tunngavilersuut imm. 4-mi allanneqassaaq.

Akileeqqusisup piumasaammut ernialersuinissaq ullormi akileeqqisissutip tunniunneqarnerani ernialersorneqarnissaa kissaatiguniuk, imm. "Suliamik ingerlatsinermi akileeqqusissutip tunniunneqarneranit" krydsilissavat.

Suliap ingerlanneqarnerani ernianit annertunerusumik ernialersuisoqarnissaanik akiligassaqaarfik piumasaqarpat, imm. Aappp krydsilissavat erniarititaq allallugu qaquumiillu ilanngunneqarnissaa allallugu. Suliap ingerlanneqarneranit erniat annerusut kissaatigineqaraangata, tunngavilersuut tamatigit imm. 4-mi allanneqartassaaq.

Ernianik ilanngussaqaareerpat annertussusaat allaffissami ima allassimasumi "Akileeqqussutip tunniunneqarnissaata tungaanut erniat ilanngussoreernikut" allassavatit.

Akiligassamik eqqaasitsissummut imaluunniit akiliisitsiniarnermut akiligassiinermut matussutissat akiligassaqaarfimmit piumasarineqarpata allassavatit. Taakku pillugit malittarisassat Kingusinaartumik akiliisoqartillugu eqqartuussivik avaqqullugu akiliisitsiniarnermi aningaasartuutit pillugit Kalaallit Nunaannut nalunaarummi allassimapput. Akiligassaqaarfik eqqartuussivik avaqqullugu aningaasartuutininik allanik piumasaqarpat taakku aamma allassavatit. Taakku tassaasinnaapput akiligassaqaarfiup nammineerluni piumasaqaammut akiliisitsiniarnerani matussutissat (nammineq akiliisitsiniarnermi taaneqartartut) imaluunniit akiliisitsiniartarfiup sullissineraneersut (allat akiliisitsiniarneranik taaneqartartut).

Nammineq akiliisitsiniarnermi aamma allat akiliisitsiniarneranni malittarisassat Kingusinaartumik akiliisoqartillugu eqqartuussivik avaqqullugu akiliisitsiniarnermi aningaasartuutit pillugit Kalaallit Nunaannut nalunaarummi allassimapput.

Malittarisassat uani takusinnaavatit www.nalunaarutit.gl.

Immikkoortoq 4: Suliap saqqummiunneqarnera / Sagsfremstilling

Akiligassaqaarfiup piumasaqaataa qanoq aallartissimanersaq piumasaqaallu qanoq katiterneqarsimanersaq immikkoortoq 4-mi nassuiassavat.

Suliamik saqqummiussininni aningaasartuutit immikkuualuttut tamaasa immikkoortoq 3-mi nassuiassavatit. Nassuiaat ima sukumiitigissaaq akiligassallip eqqartuussiviullu suliap sumut tunnganera paasisinnaallugu. Fakturap normua ullualu pingaarutilinnut assersuutaasinnaapput. Akiligassap kingusinnerpaamik akilerneqarfissaraluata ullua aamma allaqqasariaqarpoq (ulloq akiliiffissaaq). Pisoqalinnginnissaa anguliarlugu qanoq iliorsimanerit aamma nassuiassavat. Piumasaqaatit amerlanerit ukiut tallimat qaangiukkaangata pisoqalisarput.

Akiligassaqaarfiup suliap ingerlanneqarnerani ernianit annertunerusumik ernialersuisoqarnissaa kissaatigippagu, suna tunngavigalugu erniat piumasarineqarnersut allassavat. Assersuutigallugu

imaassinnaavoq akigassaqaarfik akiligassallilu tamarmik inuussutissarsiortuusut aamma suliaqaarfimmi (branche) pineqartumi erniat annertunerit nalinginnaasumik atorineqartartut.

Akiligassaqaarfik ullut 30-it sioqqullugit ullormit akiliiffissamit ernialersuinissamik piumasaqarpat, tamanna aamma tunngavilersussavat.

Akiligassaqaarfik akiligassiippat (gebyr) imaluunniit eqqartuussiviit avaqqullugu aningaasartuuteqarpat taakku sumut tunnganeri allassavatit.

Ilanngussinngisaannassaait soorlu fakturap assilineranik.

Immikkoortoq 5: Eqqartuussisarnermi inatsimmi allakkat eqqaasitsissutit pillugit piumasaqaatit

Allagaq eqqaasitsissut inatsimmi piumasaqaatinut naapertuuttoq qanga nassiunneqarsimanersoq immikkoortoq 5-imi allassavat.

Akileeqqusissutip Kalaallit Nunaanni Eqqartuussivinnut tunniutinnginnerani akiligassalik akiliinissamik eqqaasineqassaaq. Allagaq eqqaasitsissummi (piumasaqaammik allakkiaq) akiitsut sumut tunnganeri nassuiarneqassaapput. Akiligassalik aningaasartuutit ilaneqannginneranni sivikinnerpaamik ullunik 14-inik akiliinissamut piffssalerneqassaaq,

Suliap eqqartuussivimmut ingerlatinnginnerani pingaaruteqarpoq allakkap eqqaasitsissutip nassiunneqarnissaa piffissallu killiliussap ullui 14-it malinneqarnissaat. Allakkamik eqqaasitsissummik nassiussisoqarsimanngippat eqqartuussiviup suliaq itigartissavaa, eqqartuussinermilu akitsuutip nalinga 500 kr. ilinnut utertinneqarnavianngilaq.

Immikkoortoq 6: Akiligassaqaarfiup kissaatai

Suliap Akiliisitsisarnermut eqqartuussivimmit qanoq suliarineqarnissaanut akiligassaqaarfiup kissaataa immikkoortoq 6-imi allassavat.

Akiligassalik akiliisinnaassuseqanngippat, akilersiunermik unititsisimappat, akuerineqartariaqartumiik isumaqatigiissuteqarsinnaappat, akiliisinnaajunnaarsimappat imaluunniit akiitsunik ilarsartuippat

Akiligassalik suliame allami akiliisinnaassuseqannginnermik uppersaammik tunniussisimappat, akiligassalik eqqartuussisarnermi inatsimmi § 603 naapertorlugu qaammatini arfinilinni "eqqissisimatitaassaaq". Tamanna akiligassallip piffissami tassani eqqartuussivimmut ataatsimiigiaqquneqarsinnaannginneranik isumaqarpoq. Taamatullu aamma atuuppoq akiligassalik akuerineqartumik isumaqatigiissuteqarsinnaappat, akilersiunermik unititsisimappat, akiliisinnaajunnarsimappat imaluunniit akiitsunik ilarsartuippat.

Taamaakkaluatorli akiligassaqaarfittut akileeqqusissutip akiligassalimmut nalunaarutigineqarnissaa soqutigarsinnaavat. Imaassinnaavoq piumasaqaat pisoqalisussaammat imaluunniit maanna aalajangiisoqarnissaa kissaatigiinnarit kingornalu eqqartuussivimmut tunniukkusissinnaallugu.

Akiligassalik akiliisinnaassuseqanngikkarlualuunniit imaluunniit akiliisinnaajunnaarsimappat allatulluunniit inissisimagaluarpat, akileeqqusissutip nalunaarutigineqarnissaa kissaatigigukku, "aap" krydsilissavat. "Naagga" krydsilerukku eqqartuussiviup akileeqqusissut akiligassalimmut nalunaarutiginagu ilinnut utertissavaa. Eqqartuussiviup akileeqqusissutip assilineran akiligassalimmut paassissutissiissutitut nassiutissavaa.

Indkaldelse til udlægsforretning Pigisanik taarsiissuteqarnissamik suliaqarneq

Akiligassaqaarfiup piumasaanut pigisanik taarsiissuteqarnissaaq siunertarlugu akiligassaqaarfiup akiligassallilu automatiskimik eqqartuussivimmut ataatsimiigiaqquneqarnissaat kissaatigigukku,

apeqqut taanna "aap"-imik akissavat.

Akiligassalik nalunaaruteqarnerup kingorna sapaatit akunnerisa sisamat ingerlaneranni piffissap killiliussap iluani piumasaqaamut akerliliingippat, akileeqqusissut Kalaallit Nunaanni Eqqartuussivinniit, eqqartuussutitulli atuunneranik oqaaseqaammik ilaneqassaaq. Kalaallit Nunaanni Eqqartuussiviit akileeqqusissut eqqartuussivimmut nassiutissavaat, akiligassalillu kingorna sumiiffigisamini eqqartuussivimmit ataatsimiigiaqquneqassaaq.

Eqqartuussiviup pigisanik taarsiisoqarnissaa sulinissaa kissaatiginngikkukku apeqqut "naagga"-mik akissavat. Eqqartuussiviullu akileeqqusissut eqqartuussutitulli atuunneranik oqaaseqaammik ilassavaat suliarlu naammassillugu. Akileeqqusissut kingusinnerusukku eqqartuussivimmut tunniussinnaavat, pigisanik taarsiisoqarnissaa aallartikkusukkukku.

Indledning af retssag Eqqartuussivimmi suliamik aallartitsineq

Akiligassalik akiligassaqarfiup piumasaanut allakkatigut akerliliippat, akileeqqusissut eqqartuussivimik oqaaseqaammik ilaneqarsinnaanngilaq.

Suliap eqqartuussivimmi saqitsaannermik suliatut suliarineqarnissaa kissaatigukku "aap"-imik akissaatit. Suliap Kalaallit Nunaanni Eqqartuussivimmit ingerlaqqinnissaa pillugu nalunaarfigineqarumaarputit.

Eqqartuussinermik suliamik aallartitsisoqannginnissaa kissaatigukku "naagga"-mik akissaatit. Eqqartuussiviullu suliaq naammassissavaa.

Immikkoortoq 7: Eqqartuussivimmut akitsuut

Eqqartuussivimmut akitsuut 500 kroniuvuq.

Immersugassap allaffissartaani allaqqareersut allanngortinneqarsimanerat pillugu, immersuinermit kukkunerit pillugit imaluunniit piumasaqaatip kisinnerliorneqarsimanera pillugu suliaq itigartitsissutigineqarpat, eqqartuussiviup eqqartuussivinnut akitsuummik utertitsinaviannngilaq, tamanna eqqumaffigissavat.

Ajornanngippat eqqartuussivimmut akitsuut Kalaallit Nunaanni eqqartuussiviup bankkontoanut nuussinikkut akileneqassaaq. Eqqartuussiviup nittartagaani Kalaallit Nunaanni Eqqartuussiviit/suliat ataasiakkaat/eqqartuussivinnut akitsuutip iluani kontonummer nassaarisinnaavat. Aningaasanik nuussinermi akiliutip akileeqqusissummut tunngasuunera aamma akiligassaqarfiup akiligassalillu aqqi allassavatit.

Immikkoortoq 8: Ullulernera paasissutissallu allat

Immersugassap kimit nassiunneqarnera ullualu immikkoortoq 8-mi allassavatit. Atsiorneq pisariaqanngilaq.

Eqqartuussivimmit suliaq pillugu attaveqaqatigiinneq digitalimik nassiussinertalik akueriniarukku krydsiliissaatit.

Apeqqutit

Immersugassap immersornissaa sulialluunniit suliarineqarnera pillugu apeqqutissaqaruit Kalaallit Nunaanni Eqqartuussiviit saaffigisinnavaat. Suliat akiliisitsiniarnermut tunngasut ajornannginnerusumik suliarineqarnerat pillugu/akileeqqusissutillu pillugit uani aamma atuarsinnaavutit www.domstol.gl.

